

8832/1
09-04-2021



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Broj: 02-11-1950-15/20
Zenica, 08.04.2021. godine

Na osnovu člana 60. stav 3), člana 68. stav 4) tačka i) i člana 70. stav 3. Zakona o javnim nabavkama BiH («Službeni glasnik BiH», broj: 39/14) i Rješenja Ureda za razmatranje žalbi BiH broj: JN2-01-07.1-1395-10/20 od 23.07.2020. godine, broj: JN2-01-07.1-2305-10/2 od 24.09.2020. godine i broj: JN2-01-07.1-3541-8/20 od 10.02.2021. godine, na prijedlog Službe za finansije, Gradonačelnik grada Zenica donosi:

ODLUKU
o izboru najpovoljnijeg ponuđača za proširenje i izgradnju javne rasvjete na području Grada Zenica

Postupajući po Rješenjima Ureda za razmatranje Žalbi BiH broj: JN2-01-07.1-1395-10/20 od 23.07.2020. godine, broj: JN2-01-07.1-2305-10/2 od 24.09.2020. godine i broj: JN2-01-07.1-3541-8/20 od 10.02.2021. godine, te provedenom otvorenom postupku, za proširenje i izgradnju javne rasvjete na području Grada Zenica, objavljenog na portalu javnih nabavki,

- broj: 1355-1-3-45-3-12/20 od 05.02.2020. godine
- ispravka obavještenja broj: 1355-1-3-45-8-32/20 od 26.03.2020. godine
- ispravka obavještenja broj: 1355-1-3-45-8-44/20 od 07.05.2020. godine

i u "Službenom glasniku BiH", broj: 11/20 od 14.05.2020. godine, za najpovoljnijeg ponuđača izabran je:

**Grupa ponuđača „NEIMARI ŠERIĆI“ d.o.o. Zenica,
„TESTINGELEKTRO“ d.o.o. Sarajevo i „BUCK“ d.o.o. Beograd**

Stavlja se van snage Odluka o poništenju postupka javne nabavke broj: 02-11-1950-13/20 od 03.11.2020. godine.

O b r a z l o ž e n j e

Po provedenom otvorenom postupku, za proširenje i izgradnju javne rasvjete na području Grada Zenica, učestvovali su sljedeći ponuđači:

1. „DEMA-S“ d.o.o. Mostar
2. Konzorcij „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad
3. Grupa ponuđača „NEIMARI ŠERIĆI“ d.o.o. Zenica, „TESTINGELEKTRO“ d.o.o. Sarajevo i „BUCK“ d.o.o. Beograd
4. Konzorcij „ROAMING NETWORKS“ d.o.o. Banja Luka i „ELEKTROMONTAŽA“ d.o.o. Kraljevo



Konzorcij „ROAMING NETWORKS“ d.o.o. Banja Luka i „ELEKTROMONTAŽA“ d.o.o. Kraljevo, nije odgovorio na pismeni zahtjev ugovornog organa broj: 05-11-1950-22/20 od 19.03.2021. godine u pogledu produženja perioda važenja ponude, te se smatra da je isti odbio zahtjev, stoga se njegova ponuda neće razmatrati u daljem toku postupka, a u skladu sa članom 60. stav 3. Zakona o javnim nabavkama.

Ponude ponuđača „DEMA-S“ d.o.o. Mostar, ponuda konzorcija „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad ne ispunjavaju uslove koji su zahtijevani u tenderskoj dokumentaciji.

Ponuda ponuđača „DEMA-S“ d.o.o. Mostar ne ispunjava uslove propisane tenderskom dokumentacijom iz sljedećih razloga:

- U svrhu ispunjavanja uslova tehničke i profesionalne sposobnosti ponuđač je u svojoj ponudi dostavio na strani 664-731 zahtijevane certifikate na engleskom jeziku te isti ne sadrže prevod kao ni od strane nadležnih organa ovjeru (Rješenje URŽ broj: JN2-01-07.1-1395-10/20 od 23.07.2020. godine, i broj: JN2-01-07.1-2305-10/2 od 24.09.2020. godine.)

- Na stranici 690. ponude ponuđača „DEMA – S“ d.o.o Mostar date su fotometrijske karakteristike ponuđene svjetiljke Izilym 1 iz kojih se jasno vidi da je :

1. Snaga svjetiljke 30 W
2. Svjetlosni tok izvora 4.898 lm
3. Efikasnost svjetiljke 137,7 lm

Ugovorni organ je Elaboratom modernizacije i proširenja javne rasvjete na području grada Zenica, zahtijevao da svjetiljke imaju sljedeće karakteristike:

LED svjetiljke tip V ukupne snage sistema do maksimalno 40 W, sa minimalnim ili boljim karakteristikama od sljedećih:

Efikasnost svjetiljke 120 lm/W, svjetlosni tok LED izvora 4800 lm.

Kako ugovorni organ tenderskom dokumentacijom nije dozvolio raspone, odnosno minimalna i maksimalna odstupanja u pogledu zahtijevanih karakteristika predmetne nabavke, ponuda ponuđača „DEMA – S“ d.o.o Mostar u ovom pogledu ne ispunjava postavljene zahtjeve. (Rješenje URŽ broj: JN2-01-07.1-1395-10/20 od 23.07.2020. godine i broj: JN2-01-07.1-2305-10/2 od 24.09.2020. godine.)

- Ugovorni organ je tenderskom dokumentacijom tačkom 3.3. u svrhu dokazivanja tehničke i profesionalne sposobnosti od ponuđača zahtijevao Izvještaj o testiranju otpornosti na udar (IK) test prema standardu EN 62262. Ponuđač „DEMA – S“ d.o.o Mostar je kao dokaz u svojoj ponudi, na stranici 672. dostavio Laboratory test report izdat od strane R-Tech, Mechanical impact test od 27.11.2019. godine iz kojeg je vidljivo da je riječ o standardu IEC/EN 62696. Kako Ugovorni organ tenderskom dokumentacijom nije ostavio mogućnost pozivanja na ekvivalentne standarde, ponuđač „DEMA-S“ d.o.o. Mostar nije ispunio zahtjev postavljen tačkom 3.3. tenderske dokumentacije. (Rješenje URŽ broj: JN2-01-07.1-1395-10/20 od 23.07.2020. godine i broj: JN2-01-07.1-2305-10/2 od 24.09.2020. godine.)
- Ponuđena svjetiljka ne ispunjava uslove iz dijela tenderske dokumentacije koji propisuje Opadanje svjetlosnog toka, u dijelu III Svjetiljke pod tačkom 1. kojom se traži sljedeće: „Trajnost LED izvora je ≥ 100.000 sati, s tim da svjetlosni fluks ne opadne na manje od 90% od



inicijalnog (L90). (Rješenje URŽ broj: JN2-01-07.1-1395-10/20 od 23.07.2020. godine i broj: JN2-01-07.1-2305-10/2 od 24.09.2020. godine.)

Ponuda Konzorcij „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad ne ispunjava uslove propisane tenderskom dokumentacijom iz sljedećih razloga:

- U tački 4.7. tenderske dokumentacije je propisano da se ponuda dostavlja na jednom od službenih jezika u Bosni i Hercegovini, na latiničnom ili ćiriličnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini. Izuzetno dio popratne dokumentacije (katalozi, brošure, prospektni materijal, certifikati i sl.) može biti i na drugom jeziku. Ponuđač je dostavio certifikate na engleskom jeziku, a pri tome nije dostavio prevod na jednom od službenih jezika u BiH. (Rješenje URŽ broj: JN2-01-07.1-1395-10/20 od 23.07.2020. godine, i broj: JN2-01-07.1-2305-10/2 od 24.09.2020. godine.)
- Ugovorni organ je u Elaboratu modernizacije i proširenja javne rasvjete na području grada Zenica, u prilogu 1 – Parametri za svjetlotehnički proračun zahtijevao da prilikom odabira LED rasvjetnih tijela moraju se zadovoljiti parametri klase M5 za saobraćajnice u vangradskoj zoni. Konzorcij „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad je na stranici 323. ponude dostavio svjetlotehnički proračun u kojem su dati podaci za parametre Lm, Uo, Ui, TI i Rei. Kako su standardom definisani parametri za klase osvjetljenja saobraćajnice Lm, Uo, Ui, TI i EIR, to Konzorcij „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad nije dokazao da ponuđena svjetiljka zadovoljava parametre klase M5 prema zahtjevu iz tenderske dokumentacije. (Rješenje URŽ broj: JN2-01-07.1-1395-10/20 od 23.07.2020. godine i broj: JN2-01-07.1-2305-10/2 od 24.09.2020. godine.)

Ponuda grupe ponuđača „NEIMARI ŠERIĆI“ d.o.o. Zenica“, „TESTINGELEKTRO“ d.o.o. Sarajevo i „BUCK“ d.o.o. Beograd ispunjava uslove zahtjevane tenderskom dokumentacijom. (Rješenje URŽ broj: JN2-01-07-1-3541-8/20 od 10.02.2021. godine)

Procijenjena vrijednost za javnu nabavku iznosila je 5.000.000,00 KM bez PDV-a.

Ugovorni organ je izvršio izbor najpovoljnijeg ponuđača grupa ponuđača „NEIMARI ŠERIĆI“ d.o.o. Zenica“, „TESTINGELEKTRO“ d.o.o. Sarajevo i „BUCK“ d.o.o. Beograd na osnovu bodovanja koje je izvršila Komisija formirana od strane Ugovornog organa, Rješenjem broj: 02-11-1950-1/20 od 05.02.2020. godine.

Procjena ponuda i rangiranje dati su u Zapisniku Komisije, broj: 11-11-1950-11/20 od 15.05.2020. godine i Zapisniku Komisije II broj: 11-11-1950-14/20 od 12.08.2020. godine, Zapisniku Komisije broj: 11-11-1950-15/20 od 30.10.2020. godine, Zapisniku Komisije broj: 11-11-1950-23/20 od 08.04.2021. godine a izvršeni su na osnovu Poslovnika o radu komisije, broj: 11-11-1950/20 od dana 07.02.2020. godine.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Shodno tome, ponuda ponuđača je bodovana kako slijedi:

R.B.	Naziv ponuđača	Cijena u KM bez PDV-a	Bodovi na cijenu	Rok otplate u mjesecima	Bodovi na rok otplate	Sveukupni bodovi
1.	Grupa ponuđača „NEIMARI ŠERIĆI“ d.o.o. Zenica“, „TESTINGELEKTRO“ d.o.o. Sarajevo i „BUCK“ d.o.o. Beograd	3.983.936,92 KM	80	48	20	100

Na osnovu izloženog, odlučeno je kao u dispozitivu.

Pouka o pravnom lijeku

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba za finansije, Trg BiH br. 6, 72000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Dostavljeno:

- 4 x Ponuđači,
- 1 x Tenderska dokumentacija,
- 1 x Služba za finansije
- 1 x a/a

GRADONAČELNIK ZENICE

Fuad Kasimović

